

西安府志

第八冊

西安府志卷第五

大川志

水利附

長安

咸寧

關內大川據天下上流而西安實爲八川所輳高原下澤
結絡其間鍾水豐物號稱陸海顧自西周而後歷代建都
鑿引諸川以便輓輸而滋苑囿遂致水道經流盡失其舊
亦猶東漢魏晉相繼作都于雒陽穿鑿滋多而西澗東灋
皆非禹績也是卷首列大川其餘支派並依次以載至於
巨浸所暨卽水利所資故凡古今渠堰悉附於篇昔歐陽
文忠作唐地理志凡一渠之開一堰之立無不記於其縣
之下茲竊取其義亦欲守斯土者勤思民事知利害可資
田功宜卽所謂以百里之才而創千年之利也凡四卷

西安府長安縣

渭水方輿紀要在府北三十里自咸陽縣流入境逕長安

咸寧二縣北書禹貢導渭東會於澧又東會於涇周禮職

方氏雍州其浸渭洪範五行傳渭水秦大川也淮南子渭

水多力宜黍關中記渭與涇洛爲關中三川又涇渭漸瀦

鄠鎬潦潏爲關中八川水經注渭水逕槐里縣故城南東

合甘水又東豐水從南來注之按地說渭水與豐水會於

西北流逕咸陽東又東北與鎬水合按水今自長安界

南三里注於渭又東北逕渭城南按今咸陽東北十七泚水注之按

咸陽界又東北逕渭城南按今咸陽縣故城泚水注之按

水入渭在又東分爲二水按水上有橋曰渭橋元又東與

泚水枝津合又東逕長安城北今縣西北十三里又東合昆

明故渠又東逕霸陵縣北霸水合滄水從縣西北流注之

按霸陵今屬咸寧北周庾信望渭水詩樹似新亭岸沙如

龍尾灣猶言吟賦浦應有落帆還唐楊凝夜泊渭津詩飄

飄東去客一宿渭城邊遠處星垂岸中流月滿船涼歸夜

深簾秋入雨餘天漸覺家山小殘程尚幾年金刀白渭水

詩渭水秋天白驪山晚照紅行人迷古道老馬識新豐

烟霜滿歸鬢乾坤猶轉蓬愁來成獨酌醉袖障西風

按關中八水渭水最鉅漢志渭水出鳥鼠同穴山東至

船司空

今華陰縣

入河過郡四

天水扶風京兆馮翊

行千八百七十里

漢漕渠所經也元光六年鄭當時言異時關東漕粟從

渭上度六月罷道九百餘里若引渭穿渠起長安旁南

山下至河三百餘里可令三月罷渠下民田萬餘頃又

得以溉上令水工徐伯穿漕渠渠成水大便利杜篤論

都賦洪渭之流經入於河大船萬石轉漕相過是也建

安十六年曹操擊馬超韓遂自蒲阪渡西河超等自潼關退拒渭口操多設疑兵潛以舟載兵入渭爲浮橋夜分兵結營渭南旣而進軍悉渡渭與超等戰破之晉義熙十三年劉裕伐姚秦王鎮惡等至潼關請帥水軍自河入渭徑趨長安後魏太和二十一年自長安還洛陽汎渭入河隋開皇元年詔郭衍爲漕渠大監部衍鑿渠引渭水經大興城北東至潼關漕運四百餘里名富民渠四年又以渭水多沙深淺不常詔宇文愷鑿渠引渭自大興城東至潼關三百餘里名廣通渠又開縣西北渭水興成堰

見咸陽縣

初名富渠仁壽年改永通渠唐天寶

三載陝州刺史韋堅開漕河自苑西引渭水因古渠至

華陰入渭名廣運潭太和元年歲旱河涸輓漕者培沙而進米多耗咸陽西十八里有興成堰秦漢故漕渠也咸陽令韓遼請䟽之東抵潼關二百里可以罷車輓之勞從之天復四年朱全忠劫遷車駕於洛陽毀長安宮室百司及民間廬舍取其材浮渭沿河而下長安自此邱墟而漕渠之利亦廢不講浚儀王氏曰渭川自大散關

關

在鳳翔府寶雞縣西南

以北達於岐雍夾渭南北岸沃野千里

謂之秦川關中有事沿渭上下可渡者不一處守禦之宜所在皆急誠都城之襟帶畿輔之塹防也故詳著之又按關中巨浸首號八川上林賦云終始灞澹出入涇渭澧鎬潦潏紆餘委蛇經營乎其內蕩蕩乎八川分流

相背而異態釋之者曰長安之地涵鎬經其南涇渭遶其後灞澹界其左灃潦合其右此禹周之故道也西周而後以迄西漢隋唐建都於此歷代相承鑿引諸川以便輓輸資汲取溉田畝灌苑囿津梁交午離合不常渭南諸川盡失其舊灃水自漢鴻嘉中王商穿長安城引內灃水注第中其流卽徙故詩云豐水東注而漢志云北過上林入渭則是北流而非東注矣又鄭當時開漕渠及靈軹富民昆明諸渠皆橫絕灃鎬爲之唐貞觀中堰灃鎬入昆明池又於京城西北引灃水爲漕渠合鎬水北流由禁苑入渭太和以後石閘堰廢而昆明池涸灃鎬亦俱斷流又唐貞元四年灃水溢縣志云自後遷

徙無常又霸漚舊合流入渭自隋堰漚水爲渠二水亦翻故道漚涵舊各自入渭今漚水下流亦合涵水入渭是八川中惟涇渭二水尚可尋其故道至於現行水地經流脉絡亦俱紛錯茫如安得桑鄜諸子復生相與錐指蠡測以尋求禹績之舊也哉

豐水通志在縣西南四十里自鄜縣界流入又北至咸陽入渭一作澧水書禹貢澧水攸同詩大雅澧水東注又作鄆漢地理志澧水出鄆縣東南北過上林苑入渭漢書音義張揖曰豐水出南山豐谷長安志源闊十五步下闊六十步深三尺自鄆縣界來終縣界由馬坊村入咸陽流至宋村入渭雍勝畧豐水出豐谷口北流其西高冠太平二

谷水入焉東則雪谷龍羸西和白石羅什諸谷水入焉爲

西交河又北有東交河水入焉

唐韋應物觀澧水漲詩夏雨萬壑湊澧漲暮渾渾草

木盈川谷澶漫一平吞槎梗方瀾泛濤沫亦洪翻北來注涇渭所過無安源雲嶺同昏黑觀望悸心魂舟人空斂棹風波正

自奔

按詩曰澧水東注維禹之績渭南諸川惟澧爲大攷水

經無澧水之目其附見渭水篇中者曰渭水自槐里故

城南

槐里縣卽今興平

又東合甘水

水出南山甘谷北流至鄠縣

又東豐水

從南來注之惟是關中諸水自周而後歷代建都鑿引

諸川多失禹績之舊東樵胡氏謂禹當日澧西之澇澧

東之鎬涵灞滻當悉合澧川入渭是以得成其大以今

計之則禹導渭東會於澧當在漢霸陵縣北霸滻入渭

之處

滴水二統志在縣南二十里源出南山石鼈谷自咸寧界

流入西北入渭水括地志一名石壁谷水一作沈水許慎

云滴水在杜陵卽沈水也

按滴或作沈字與沈相似因訛

水經注沈水上

承皇子陂於樊川西北流注杜縣之杜京西又西北逕下

杜城

按下杜城今屬咸寧

又西北支合故渠渠有二流上承交水合

于高陽原而北逕河池陂東北注沈水又北與昆明故池

會又北逕竭水陂東又北逕長安城西與昆明池水合又

北逕鳳闕東分爲二水一水東北流一水北逕神明臺漸

臺北流注渭亦曰高都水前漢末五侯王氏大治池沼引

高都水入長安城百姓歌之曰五侯初起曲陽最怒壞決

高都竟連五杜長安志滴水東自萬年界流入交水又漕
河在咸陽縣南十五里自萬年界來經咸陽界五里入渭
一名漕水寰宇記漕水卽沈水也一稱坑河遊城南記注
滴水今不至皇子坡由瓜洲村附神禾塹上穿申店而原
愈高鑿原而通深至八九十尺謂之坑河一名皂河通志
卽漕河之譌自牛頭寺入縣境西北至八丈溝按溝在縣西南十五
里卽漕河岸最深處一分流爲通濟渠一西北流逕三橋鎮入渭又
沈水支津水經注沈水東北流逕鄧艾祠南又東分爲二
水一水東入逍遙園注藕池一水北流于渭

按漢地理志鄠有滴水北過上林苑入渭今鄠縣無此
水此水漢時當屬京兆尹長安

交水一統志在縣南三十二里源出咸寧縣南山西北流至縣界入豐水長安志一作郊水水經注交水西南流與豐水枝津合其北有漢故渠又西至石碣分爲二水一水西流注豐一水北逕細柳諸原北流入昆明池又坑谷水在縣南二十七里自萬年界流逕本縣五里合交水又梗梓谷水出南山北流合成國渠又西北豹林谷水入焉又西北流至縣東南三十里入交水其豹林谷水出南山北流三里有竹谷水自南來會又北流二里有子午谷水自東來會自此以下亦謂之子午谷水又有龍羸谷水太和谷水皆流合於交水遊城南記樊川御宿之水交流故名交水西合於豐北入於渭一名豹水寰宇記福水卽交水

也通志一作溜水

鎬水通志在縣西南詩考卜維王宅是鎬京書傳文主作
豐武王理鎬鄭康成云鎬在豐水之東相去蓋二十五里
一稱瀉池史記秦始皇本紀三十六年有人持璧遮使者
曰爲吾遺瀉池君集解孟康曰長安西南有瀉池徐廣曰
昆明池北有鎬陂黃圖廟記云瀉池在昆明池北周匝二
十一里水經注鎬水上承鎬池又北流與瀉池合北逕漢
靈臺西又逕磁石門西北逕於渭括地志瀉水源出長安
西北瀉池今按瀉池水北流入永通渠不復入渭十道志
鎬池一名元吐在昆明池北始皇毀之汜漢武穿昆明池
而周京故址蓋無可究雍勝畧鎬水源出太乙山西谷中

北流迤西得七姑谷水又西得漆谷磻谷鴻興竹谷桐梓石鼈豹林諸谷水過御宿川北香積寺南西合滴水爲東交河又西入豐水

御宿川通志在縣西南四十里漢揚雄傳武帝廣開上林東南至御宿昆吾或作籙宿漢元后傳莽欲廣樂太后令夏游籙宿鄠杜之間顏師古注籙宿在樊川西馬志御宿川北岸之西滴水來會爲東交河南岸之西爲西交河又西爲豐水又北至定昆池爲豐鎬之間又北爲鎬入豐處御宿之地盡矣其形逶迤自東南而西北方輿紀要唐廣德初吐蕃入長安郭子儀自御宿川循山而東將趨商州卽此

按通志御宿川宿一作羞漢百官表武帝元鼎二年置御羞禁圃令丞如淳注御羞地名在藍田又元后傳夏遊籞宿顏師古注卽今長安城南御宿川也不在藍田羞宿聲相近耳今按御羞地已無攷不能必其果在藍田攷黃圖御宿苑在長安城南御宿川中漢武帝爲離宮別館禁御人不得出入往來遊觀止宿其中故曰御宿其說較長又三秦記云樊川一名御宿川雍錄從之今攷樊川在咸寧縣南不得與御宿合而爲一

漈池通志在縣西北二十里詩小雅漈池北流浸彼稻田傳漈流貌箋豐鎬之間水北流也魏地形志長安縣有漈池水水經注漈池水出鎬池西而北流入於鎬一作冰池

黃圖水池在長安西一名聖女泉長安志泉出昆明池北
平地上周十步西北流五十步與牧豬泉合說文滌池一
作滌沱

布政司井通志在布政司庫內相傳卽昊天觀水又劉公
井在按察司署內扶溝劉自強蒞官時鑿已上大川

通濟渠通志自縣西南十五里丈八溝閘北西北流過丈

八頭至南窑頭

皆係地渠

又北過甘家寨至外城郭

俱係土隄高一丈二

三尺濶

又東至安定門橋凡二十六里由洞口入甕城內

南流由水門出甕城外沿城而南過一敵樓復入城至牌
樓南又正東流入地下磚渠舊分三派一從廣濟街北流
過鐘樓折而西過永豐倉前入貢院現今流通一從縣東

流過廣濟街又東過大菜市真武庵流出城注於東城濠

一從廣濟街直北過麻家十字街口匯入蓮花池今並淤

塞

明項忠通濟渠記畧陝西為西北巨藩西安府即宋永興軍大中祥符間知軍事陳堯咨嘗引龍首渠水自城

東入以便人用隄倚高原日見削損城中軍民爭汲汰清

然後可用成化改元予忝巡撫父老言去城西南十五里

地名丈八溝俗名交皂二河鐵丈八溝乃魏軌輜關處今

疏入龍交溝若龍疏導自西入城人用之餘可泄之池

以環厥城再餘泄九龍池入於滙予聞而相視原隰具實

疏聞上可其奏用是工役雲興地之高者掘而成渠卑者

築而起堰不三旬水遽入城命名曰通濟渠余子俊通濟

渠記畧通濟渠水出咸寧大義谷正派合小義谷炭谷之

水為滙河即交河支派第一派為龍首渠北派東二派無

名三派為胡公堰引水經流咸寧義峪里與阿谷泉合流

為皂河經韋兆韋村杜陽高望韋曲長安縣塔坡杜城沈

橋木塔諸里至丈八頭作閘引水入府西城壕為通濟渠

王恕通濟渠記畧通濟渠乃兵部尚書余公子俊知西安

府時因龍首渠水不足用訪得義峪等河水經杜曲御宿

川等處至丈八頭入皂河乃於丈八頭造石閘穿渠引水

西流至郭村轉東築隄為渠自西關入城用轉盤